

gelihin haben. Sulchin guten willen, den syne ewirtin also an om gethan hat, hat er betracht und angesehen und hat ōr widirumb<sup>a)</sup> gegeben alle seyn gut und habe, es sey am husze, farindir und unfarindir habe, daz er iczunt hat addir zukunftklichen gewynnet, nichtis uszgesloschen mit sulchem undirscheide, wurde er ehir wenne frauwe Elsze von todis weyn abgehen und leibis erben miteynandir nicht czugitten, so sal frauwe Elße sulch syne behuszung und doczu alle syne farinde habe, daz in synem munde vorstirbit, nach synem tode czu rechtem erbeygin haben, besiczin und gebruchen und mag domit thun und laszen als mit irem gute, als daz denne ir beidir brieffe dorubir gegebin clerlichin uszweiszin.

a) folgt durchgestrichen umb

## 1021.

(1457) nach Dezember 25

### **Hermann Kune verleiht Geld.**

fol. 191r <sup>a)</sup>Herman Kune hat bekanth, daz er Michil Kraczper keyn der Rudelin von Mergintal vorsaczt habe vor 10 β nuwer gr ye 9 vorgeslagene d vor eynen gr, der gereth hat und gelobit ōn sulchir vorsaczung schadinlosz czu benemen und hat daz mit seyn garten, den er dem Rudeler vor dem obirn thor gelegin abgekaufft hat, vorgewiszit und vorphant, ab er on der vorsaczung nicht entledigen wurde, so sal er sich sulcher 10 β gr vor ydirmenlichin doran irholen. Actum post nativitatis Christi. Auch stehit sulchir garte Hans Kraczper vor<sup>b)</sup> der Rudelin kindir vor eyne were und vor ansprache, daz Herman Kune auch keyn oin vorsaczt hat.

a) alles durchgestrichen b) folgt durchgestrichen by der

## 1022.

(1457) Mai 28

### **Phuczner Gerbir bekennt eine Schuld und verpfändet sein Haus.**

fol. 191v Phuczner Gerbir hat bekannt, daz er Wintfogil syne behuszung in dem Weidacht vor dem Trengkthor abgekaufft hat und doran bezalt 12 alde β gr und ist oin doran noch schuldig 25 alde β gr, daz er gereth hat uszczurichten und mit muncz in dem lande genge und gebe czu bezalin vier β uff Jacobi schirsten komende und 4 β und 20 gr uff Michaelis nest dornoch folgende und hat sulche schuld mit dem selben synem gekaufften hausze vorphant, ab er an sulchir bezalung sumig und dy uff dy geschr(iebene) tagczeit nicht bezalen wurde, so mag sich Wintfogil der nicht bezalten schuld vor